

許棐猷醜集

高似孫騷畧

胡錡耕祿藁

文房四友除授集





耕祿藁

括 蒼 胡 錡 國器

擬力田詔



詔曰民以食為天食不可闕則農不可惰堯敬授禹  
粒乂盤庚曰力穡乃有秋此古者歐民之農使著本  
而食其力我 國家躬籍以供祀典制地以行仁政  
詔寬減賦租勉率亦云至矣比年以來嘆愁轉徙壯  
者不緣南畝而无常心豈斧斤奪其時欵繇役分其  
力歟厚歛以困之欵朕知无逸艱難亦惟責躬惧德



弗類方春時和土膏脉起民事不可緩尔郡国循行  
阡陌宜完民恫以勸農為急若有蠹賊痒而稼者鋤  
之尔父老率子弟孝悌陳敷菑覃播載于晉斯田既  
順既宣則自今以始歲其有民无阻飢迺朕之意

擬銀青光祿大夫提奉醴泉觀田萬頃特授  
保康軍節度使兩淮安撫制置大使兼判揚  
州兼提領措置屯田大使節制本路河南出  
戍軍馬加食邑實封制

建列蠲以分封載嚴維翰奄全淮而作牧兼重亩屯

疇茲銀信之庸幡尔琳庭之處控師干而衛社隆使  
指以旌奮允鞅輿言誕敷大號銀青光祿大夫提奉  
醴泉觀田萬頃留而宥播公以忘私退睦鄉閭有同  
井相友之義進陪鄉伯為立極徑野之謀其至忱則  
忠乎君其实意則近乎古頃以仁政之潤澤推為太  
平之紀綱貢助徹皆便于民不奢不儉租庸調悉寬  
其法欲逸欲安持界限以素嚴立徑制而益謹无甚  
富甚貧之弊見謂均平縱近臣近親之家莫敢踰越  
方坐致幽原之化乃祈歸堯壤之耕亟示勉留爰加



優渥品特升於華戟廩爰賦於真宮少酬在畎之恢  
終冀惠疇之用矧維揚之重鎮實今日之要區未雨  
綢繆合謹本根之備及時閒暇當為兵食之圖願惟  
禮耕義種之賢足副內脩外攘之志統緩疆場申畫  
郊圻省騎墾湟宜率克因破羗之策分兵瀾渭必循  
孔明定蜀之規以耒耜執戈矣以襁褓行介冑象耘  
沃野戰守有經蟻聚列營坐作聽命期復恢於境宇  
宜渙錫於山川是用陟防渚之齋旄開廣陵之祭鉞  
兵事節度悉歸封履之中地利便宜盡入輿圖之內

仍申采錫庸顯恩崇於戲師整戎脩徹土冀歌於周  
雅馬騰士能平淮宜上於唐勲往服朕言式永終奮  
可特授保康軍節度使兩淮安撫制置大使兼判揚  
州兼提領措置屯田大使節制本路河南出戍軍馬  
加食邑實封

代田萬頃到任謝表

琳館養恬冀息丘園之駕瑠戈疏寵誤分淮甸之弓  
籲天控避以弗俞跼地勉承而有醜伏念臣量慚淺  
薄品特下中少事耦耕粗得帶經之樂壯沾圭祿頗



懷憂國之忠哉內外以若疇辯總括而定賦千夫萬夫之長愧匪其材九推五推之間備殫其力迺上從盤之請欲陶擊壤之情忽授鉞以總師俾建麾而顯閩矧長淮之境土為吾國之藩籬民賴懷生軍資討實秉戈執耒宜為足兵足食之思牧馬飯牛盍講且戰且耕之政鞠旅而蓄其芑出車而黍其華戍牛或遣則无載飢之憂徒御或嚴則有峙糧之望預為雨徹之計可收日辟之功六月征出歆廢歌豳於七月夏官董正尤當任甸於地官頌无圻畫之良規曷副

蕃宣之隆寄茲蓋恭遇皇帝陛下恢復疆宇整齊乾坤一成立中興之基大披國籍九井張太平之紀丕混車書內將拓梁山奕々之區外欲歸齊國章々之上知臣粗能積穀故使備邊察臣稍熟分耕故資治塞庚癸改需於飽餉戎已宜增於鉅屯臣敢不實整實墉迺疆迺理三事就緒勉脩瀆浦之戎萬年揚休願報土田之德

擬常熟縣開國侯穀實進封常熟縣開國公  
加食邑實封制



慶有幸而介福久疏分井之封播攷績以陟明爰進  
植圭之秩迺奏艱之惠載推報本之恩允穆師言  
誕揚渙號常熟縣開國侯穀實季深種植仁熟滋培  
一日无食則飢司民之命三代處農而教為道之原  
其和足召陰陽之和其貴能賤金玉之貴豳歌始播  
婦饁畝以勤勞魯頌于尊牧在坳而蕃碩行師則藉  
之輓粟徹疆則資之時糧持常平使者之叔視時登  
損佐地官司徒之賦待國賙頒疇庸既課於屢書班  
祿宜先於增賦乃刻名於鏤壁乃彰用於竿彞爰即

侯疆就陞公爵予以重宅<sub>生</sub>之寄予以顯育教之庸於  
戲歲月日時无易而用明朕已建九疇之範水火木  
金惟修而永賴尔其叙萬世之功益厲後嗣有華  
寵可進封常熟縣開國公加食邑實封

代穀實謝表

八政之疇曰食粗喜屢豐九井之田為公誤叨進秩  
增畚錫寵擊壤知恩伏念臣函植无奇簸揚有覩勿  
正勿忘勿助幸免握苗實哀實發實堅僅能維鉅碩  
何脩而何飾蒙載柝以載芟天子无日而祈于郊至



勤聖駕冢宰抄歲而制其用亦費廟謨偶六穗之告  
登而三農之胥慶遽超榮於品祿仍加衍於戶租不  
稼而困祇負素飧之愧奏艱而粒實歸教藝之仁茲  
蓋恭遇皇帝陛下心在形散化調風雨正德惟和惟  
敘舜享其生休證用乂用成禹敷其福異畝遂生於  
同穎靡田不挺於稠華雖已誇狼戾之秋或慮有鵠  
形之歲獎戒方而任貢升廩氏以司儲猥令燕黍之  
微亦被周禾之命臣敢不茂加播殖益務滋生八月  
獲十月場力課服田之事九年耕三年食誓殫憂國

之忠

擬隴西郡開國侯來牟進封關內侯加食邑  
實封制

登實祈春已課兩歧之最薦名告夏爰疏易地之封  
於皇孔碩之英貽我奏膚之美穀差吉旦穡播猷言  
隴西郡開國侯來牟外叶坤黃內涵賁白載行于野  
懷大夫君子之忠斯饗我農成先公風化之業將其  
來食迄用康年溥沱對竈之時竟能濟業崆峒跨鞍  
之頃遂底休師庸進績於農書復侑忱於寢廟來咨



來茹有在公助祭之恭實好實堅相尊祖配天之道  
爰易隴西之舊壤聿陞閔內之新畝於戲雨露肥饒  
之不齊爾既勉脩於人事山川土田之大啟朕其加  
錫於侯功往服休恩勉圖後效可進封閔內侯加食  
邑實封

代來牟謝表

代食維好績愧乏於善收往即乃封恩誤叨於登進  
自天錫畝易地祇榮伏念臣稟下枯茨丘中槁苗鬢  
鬢黃髮老風雪之彫殘皦々素心抱冰霜之潔白生

樂國而无鼠苗之感歷元都而有兔葵之思因問俗  
於閔中輒借階於陛下爰進仲舒之策令勿後時至  
形武帝之憂詔其益種欲使畝畟畛庶之所皆有春  
登夏實之資地方慮於不齊意敢希於所報詎期削  
木之質遽躋沃壤之區茲蓋恭遇皇帝陛下德游祥  
雲政如時雨五穀共衍藹永平膏沐之惟多黍同登  
播元和天錫之頌課吏奏漢陽之最談兵却新鄭之  
師以存廟而功相農民以問價而選掄使者肆令釋  
植亦被播耰臣敢不小大懷中艱難陳業誦原野南



都之盛已韋富饒歌宮室故國之虛尚祈警戒  
擬米林除祭酒誥

唐得祭酒生徒皆喜謂不寂寞矣蓋橋門冠帶之地  
必資醉徑鉅賢而為之長以尔李殖素醅詞英早粲  
粵自脫穎而來詩曰或春或榆或歛或蹂其所踐揚  
亦既醜矣頃登米廩教思薰陶士君子已有成周既  
醉之行今擢表成均維其令儀以式我賓饌使酌道  
味適者皆沈浸乎醲郁則將用汝作醴往惟欽哉

代米林謝表

任閭師之耕農功奉實進司成之長賓饌增華揆量  
逾涯恢榮踏地伏念臣素无孝殖徒有仁根后稷教  
藝以來芳聯南畝陶潛賦歸而浚穎露西疇在前浚  
愧於粃糠若作尚資於麩蘖忽從米廩叨佩水蒼清  
為聖人中俾樂道涯之泳醉有君子行使沾德海之  
流自非沐漢化之鴻醇何以式周朋之燕滑茲蓋恭  
遇皇帝陛下氣薰嘉協瑞格和平當豐年高廩之秋  
畀烝為醴闡七月公堂之教歆饗稱觥將溥陶民俗  
於温之迺首功儒風於渾之肆令淺薄亦被涵濡臣



敢不泐戒非彛禮嚴有旨招諸生而浸醲郁盍明立  
館之規造三代而樂優游共適舞雩之趣

擬馬菽除駕部誥

乘輿法駕公卿奉引太僕御參屬車蓋所以嚴導扈  
也尔理明芻悅才有駿馱乘馬在廐摧之秣之于牧  
之戒咸休厥功朕甚嘉之今將駕奎車滋明堂擢尔  
司駕僕臣正厥后克正思无邪思馬斯臧尔其搜牽  
天閑之改使徒御不羈既碩孔安則為稱厥職其往  
欽哉毋失朕命

代馬菽謝表

典廐濫員无裨仰秣司輿躡寵有覲分曹聞命凌兢  
銜恩激烈伏念臣用非穀粟材僅結積駒谷道遙慣  
飽南山之味駟原濡沃備嘗豳圃之勞荷不棄於牧  
芻俾進供於飼餼約軋鳴八奎之節宜預均調法駕  
備六馬之參盍先審御騰槽有幸導扈何居茲蓋恭  
遇皇帝陛下臨下以寬馭臣以爵自強不息時乘六  
位之飛示朴為先日却千里之馱屬幸我享我將之  
禮載嚴既閑既庶之司肆使驚疲獲依騎乘臣敢不



益鞭而後載範其馳地熟九方幸已塵於太僕天低  
五路願長擁於屬車

擬良耜除司農卿誥

自大易取益之利以教天下時則有若此選已居閑  
物成務之先矣爾鞭柞風雨之姿揮掃雪霜之氣斲  
而成之惠我南畝其利已博朕所嘉賴擢儀九扈蓋  
以后稷之化豳原漢文之躬籍田皆爾之力爾其為  
朕率趨末之民而知本起惰安之習而力勤俾五穀  
皆熟有年屢書是為毋曠厥職其往欽哉

代良耜謝表

土脉起膏俶嚴斲木之教天田携角誤躋司稷之班  
聞禽凌兢戴恩偃僕伏念臣泥塗未脫畎畝不忘陳  
王業以歌豳粗知大本利天下以取益祇效小忠我  
田既臧其笠伊糾乃或耘而或耔始載柞以載芟正  
茲如粟如坻如京終善且有猥慚芻蕘濫辱稼鄉茲  
蓋恭遇皇帝陛下授曆析因分田友助即功以知稼  
穡靡或違寧親耕以裕窳盛昭然示功爰重中和書



之進載祈秋冬報之豐肆使畚耨亦躋扈棘臣敢不  
戒其趨末毋或違時擊壤而歌敢云帝力之何有叙  
疇以又當思農政之用成

擬水部車龍除水陸轉運使誥

作周川衡已成歲績為唐發運爰重使名自非負洞  
達之奇何以稱轉輸之選以尔夙猷淵湛器識陂涵  
輪困而容之蟠素无滯礙犖角而骨之蛻獨任捲舒  
見謂圓機九流通之材故有一動萬波隨之誓已咨  
決汎更賴沃焦早魃滌之蘊隆蟲之孰慰兢之念

小子驕之老夫灌之共歌板之之詩迺不憚於勤勞  
爰妙加於迴斡朕深嘉汝最宜究其能俾司將漕之  
叔母效談河之涸決鴻歌飯已吳陂下之耕流馬運  
糧期進漢中之策勉加濡沃嗣有激昂

代車龍到任謝表

戢濫水衡何補禹疇之用光濡隄轡誤叨漢漕之榮  
沐浴恩波沈滂感涕伏念臣材卑碌之量淺沾之刊  
木而龍其驅粗竭放菹之力防稻而瀦其畜僅殫掌  
澮之勞改慚悅仰以隨人所冀卷藏而束閣川遠逢



於滌之泉曷導於源之迺沾詔墨之鴉鬪俾濯篆文  
之龜拆流濕就燥泄北海以灌涯自下升高激西江  
而挾涸爰煦斗升之活以將輦駕之輸茲蓋恭遇皇  
帝陛下德厚海涵道明川理見善莫禦其決化妙流  
通從諫如轉諸圜迹无疑滯肆令猥瑣亦玷選掄臣  
敢不胝足施功鞠躬尽瘁鑿渠引渭當溥霑淫下之  
田輓粟飛芻願長富閩中之廩

擬趙鑄除金部詔

工欲善其事必先利其器為農亦然尔仁為之刃義

淬其鋒早入炉錘取鍛取礪迄用有成原田每之拮  
据將荼農亦良苦非藉尔何以芟夷哉此詩人所以  
有良耜臣工之褒朕嘉汝績擢司禹金今而後聚百  
鍊之精以鑄農器俾啓辟攘剔之有其具以成我黍  
稷往若予工毋廢厥職

代趙鑄謝表

掌周野之器請事老農脩禹府之金誤登劇部自天  
闡禽无地措躬伏念臣生本親鋤質為至鈍畚田春  
暮共殫庠艾之勞南畝秋函爰竭蔣荼之力方慚治



躍忽解秩增六齊輶人之工迺令典領三品揚州之  
貢亦俾甄收豈伊鑛頑足堪器使茲蓋恭遇皇帝陛  
下改堅所執義成者方治天下猶在鑪範于堯鑄求  
良弼用作礪起自博岩尽化買刀悉歸銷戟臣敢不  
切磋磨琢芟夷蘊崇斷矣同心輔大易耒耜之教作  
而從革成洪範稼穡之功

擬犁春知捷為郡魚功農使誥

古有農官我朝分牧者繫農使示厚本也尔剛木近  
仁遯肥空谷神光牛背訛寢莫羈左迴右抽往來脩

直高原卑隰堅粟方苞亦既著勞効矣捷為名郡也  
畀尔一麾尔其求距心之芻化渤海之犢俾千里无  
曠土亦克用劝則予汝嘉

代犁春到任謝表

雨足周原方協夢魚之兆地分蜀壤將還佩犢之風  
延見老農具宣聖澤伏念臣梓人傳之矩矱鐵炉步  
之範模技雖托於塗泥性独耽於畝畝駢其勿用瘳  
尔来思給荊州之民无禪強本供柳中之士何補增  
屯誤簡三推之知猥被一麾之寵載循漢陌共理嘉



陵率彼戎兵市額增而田沃助其鄰里勞酒食以疇  
良勉收破塊之功實藉起膏之賜力殫骸棘報祝汗  
邪茲蓋恭遇皇帝陛下輝蓄浩亨明離牝吉引重致  
遠教耒耨以交通綴紺服蘊接車麟而沛艾迺擇人  
而作牧俾領使以勸耕臣敢不芻豆銜恩蒲鞭示化  
種四萬頭之益願廣租分耦五百兩之連尤思糧衛

擬侯亞除藉田令誥

農者天下之本也朕躬耕藉<sub>田</sub>勸百姓掌籍者必惟其  
材蓋是朕周為甸師漢祠先農國朝俾典宗廟社稷

之祀尔壯而知本穡事艱難皆熟諳之今擢尔令宜  
殫竭其勞亦服尔耕以相我農民匪但典祀事而已  
往欽哉无荒朕命

代侯亞賀皇帝藉田礼成表

帝籍親臨礼重三推之祀皇恩大賚欢陶萬宇之春  
國典告成臣工称慶竊以農而安本國重劝民載耒  
於保介之間教放月令掌甸為案盛之備戒隸天官  
或歌祈社稷之詩或下帥公卿之詔金根登壇朱紱  
于却皆非侈覲美之文故以表躬耕之意洋乎今日



展也盛儀恭惟皇帝陛下萬物覩乾三登樂泰仁禾  
善養獨明穡事之艱德稷惟馨恪謹稼穡之奉農祥  
正而土膏起幽畝饁而春日暹雷動紺轅擁百僚之  
穆々夙生青耜慶千耦之耘々爰畢農功載親祠事  
天地祖宗之歆格和溢奉璋孝弟頌白之泳游恩霑  
賜帛金鷄飛舞寶兕忻愉聿新曠代之逢丕慰輿情  
之後臣等叨隨擊壤快覩回奎賈誼耕藉之言已陪  
給祭孟軻均田之說尤冀行仁

擬木斛除度支使詰

舜齊七度量居其一蓋微此不足以平天下之心也  
苟非其材不在茲選尔中通而外直体圓而用方景  
山松栢是斲是虔就匠之輪以成厥器乃命式于九  
圍既戒既平時靡有爭朕已嘉汝績矣今擢司計度  
凡因賦之出納軍儲之斂散一歲幾何悉資筭畫尔  
其必有昔人不差升斗之長也往祇使事毋忽朕言

代木斛謝表

乾圜合制粗守均平渙汗有華忽陞計度循牆祇奉  
斂板欽承伏念臣器本易盈筭无足筭為之以信曾



陳韓愈之言剖而不爭徒抱莊周之志故在取益則  
圭撮不容少失有所宜損則黍勺弗使或加賦第謹  
於漢倉故何裨於舜度愧蔑乞工之報遽叨經費之  
諮矧歲計年支貴不差於升斗而沙量籌唱期盡給  
於樵蕪慚无聚米之長曷勝足食之任茲蓋恭遇皇  
帝陛下參天量廣並日德明无黨无偏成洪範農疇  
之用有容有執尊中庸既廩之賢以平政而行仁每  
量能而授職遂令空竭亦在簸揚臣敢不益尽虛心  
堅持端槩出入幾何之向所合講明會計當矣之言

尚思佩服

擬倉部高廩除提奉常平倉誥

蓄積以備水旱此堯湯用心也然司蓄積之職者必  
惟其人尔弥高之望有容之德其胸中何止藏百萬  
矣頃典國儲陳之露積乃且有賑貧拯乏之心朕甚  
嘉之常平使節未嘗輕畀今命汝往以究其材藻北  
邊之給唐京師之置皆昔賢所講明者可叔度而奉  
行之使吾民含哺鼓腹咸遂一飽之樂則朕益汝嘉  
往惟欽哉



代高廩到任謝表

廩曹分戒慚無一粟之裨庾節叨榮誤被六絲之遣  
穀消問俗粒飽知恩伏念臣腹本空虚慮先飢困象  
重將軍之急劍屢指糧禮知賢者之尊鼎加繼餽幸  
遂抵京之詠僅道塵困之談方祈李稼以歸耕忽俾  
集苞而爰度豐凶品約當思戴胄之規貴賤叔宜盡  
完壽昌之策第虞罄之曷副寵綏茲蓋恭遇皇帝陛  
下平政行仁博施濟衆先時備具成湯捐瘠之思以  
已視大人禹溺餓之念故當饋動人才之嘆而旰食

有民瘼之憂豈伊嚶儲亦塵器使臣敢不棠知所發  
飯不敢忘馳隄而廣諮詢具宣德意視歲而為歛散  
加惠黎元

耕祿藁



以文為戲曰子虛曰亡是曰毛穎曰華華曰黃甘陸  
吉往々皆是也而近之李士大夫游情翰墨且以楮  
知白石虛中竹媛之類作為制誥矣 騎牛衣子也歌  
豳頌牧之餘竊有取農田之所殖農器之所脩其為  
畫前之大務輒緝農書為詔為制誥為表凡二十五  
篇名之曰耕祿藁不謂文也姑亦擊土鼓樂田畷爾  
括蒼胡錡序



若樂也

始以以自也

始以以自也

始以以自也

始以以自也

始以以自也

始以以自也





